

i - platform

Platforma dijaspore u Švicarskoj za doprinos razvoju Bosne i Hercegovine

Dijaspora kao potencijal razvoja

Prema podacima Ministarstva za ljudska prava i izbjeglice Bosne i Hercegovine ustanovljeno je da se približno dva miliona ljudi, privremeno ili trajno nalazi u iseljeništvu van Bosne i Hercegovine. Posebno je i dalje veoma jaka emocionalna vezanost iseljenika za matičnu zemlju, što također potvrđuje i činjenica da iseljeništvo, ili kako se često koristi izraz dijaspora, godišnje dostavlja oko dvije milijarde američkih dolara za Bosnu i Hercegovinu, pretežno kao privatnu finansijsku podršku rodbini i prijateljima. Isti podaci su pokazali da veliki potencijal dijaspore za doprinos razvoju Bosne i Hercegovine nažalost i dalje ostaje neiskorišten, posebno znanje, stečeno iskustvo i profesionalne sposobnosti i mreže koje je dijaspora stekla u drugim zemljama.

Rezultati istraživanja provedenog u Švicarskoj u periodu 2012.- 2014. godine pokazuju da u ovoj zemlji rade i obrazuju se više od 60 000 iseljenika iz Bosne i Hercegovine koji su veoma dobro integrисани u švicarski sistem i društvo, te predstavljaju kvalitetan i nezaobilazan resurs za uspostavljanje i jačanje društvene, privredne, kulturne, znanstvene i svih drugih oblika saradnje između Švicarske i Bosne i Hercegovine. Iz tog razloga je Švicarska agencija za razvoj i saradnju (skr. DEZA), u svom programu za migracije i razvoj poseban fokus stavila na jačanje i bolje korištenje potencijala dijaspore za razvoj zemalja njihovog porijekla. Na osnovu gore pomenutog istraživanja došlo se do spoznaje da u Švicarskoj još uvijek nedostaje jedna etnički i konfesionalno nezavisna platforma, koja bi aktivno uključivala i povezivala različite aktere (organizacije i pojedince) zainteresovane da daju svoj doprinos razvoju Bosne i Hercegovine u različitim oblastima. Stoga je DEZA odlučila podržati projekat uspostavljanja jedne ovakve platforme u Švicarskoj, te je ovaj mandat dodijelila organizaciji „i-dijaspora“, koja okuplja eksperte iz različitih polja djelovanja, a koji su porijeklom iz BiH i već duži niz godina žive i rade u Švicarskoj.

"i-platforma" - inicijativa dijaspore za saradnju i razvoj Bosne i Hercegovine

Platforma dijaspore za podršku razvoju Bosne i Hercegovine je inicijativa koja ima za cilj kontinuirano uspostavljati i jačati saradnju između Švicarske i Bosne i Hercegovine s posebnim akcentom na afirmaciju resursa bh dijaspore u Švicarskoj.

Ova platforma je zamišljena kao Ured za saradnju i koordinaciju koji će prikupljati, povezivati i promovisati informacije, inicijative i aktere iz obje zemlje, zainteresirane da u različitim poljima djelovanja doprinesu razvoju BiH.

Samo slovo "i" (u ciriličnom i latiničnom obliku) simbolizira dodatno slovo "i", kao neizostavan veznik u nazivu Bosne i Hercegovine, ali i dijaspore kao neizostavne grupacije koja, iako živi izvan matične države, sastavni je dio Bosne i Hercegovine. Svojim imenom platforma nastoji da u prvi plan istakne individualne profesionalne kvalitete i interes heterogene mreže svih njenih članova i na taj način privuče i integriše u partnerstvo institucionalne, privredne, kulturne i sve druge subjekte i udruženja u Švicarskoj i Bosni i Hercegovini.

Kako se uključiti i postati članom i-platforme

U svrhu upoznavanja i aktivnijeg uključenja u rad platforme dijaspore za razvoj Bosne i Hercegovine, članovi udruženja „i-dijaspora“ kontinuirano organizuju informativne tribine, tematske radionice i pojedinačne sastanake sa predstvincima i udruženjima bh. dijaspore u Švicarskoj, s ciljem uključivanja što više zainteresovanih u stvaranje „i-platforme“, koji bi već u narednom periodu, kroz svoj aktivni angažman u upravnim tijelima, postali održivi nosioci "i-platforme".

Sve informacije o aktivnostima i-platforme bit će objavljene i redovno ažurirane na web stranici www.i-platform.ch.

Ukoliko imate dodatnih pitanja ili nas želite kontaktirati, budite slobodni javiti nam se putem e-maila, telefonom ili nas posjetite u prostorijama udruženja "i-dijaspora" u Cirihi.

Kontakt adresa

i-platform

Dijaspora za razvoj Bosne i Hercegovine
Diaspora for development of Bosnia and Herzegovina

Zentralstrasse 156

CH - 8003 Zurich

Telefon: +41 (0)44 461 11 59
Email: info@i-platform.ch

Fax: +41(0)31 544 15 33
Web: www.i-platform.ch

Podrška

i-platform - inicijativa dijaspore za razvoj Bosne i Hercegovine podržana je od strane Švicarske agencije za razvoj i saradnju.



Schweizerische Eidgenossenschaft
Confédération suisse
Confederazione Svizzera
Confederaziun svizra

Direktion für Entwicklung und Zusammenarbeit DEZA
Direction du développement et de la coopération DDC
Direzione dello sviluppo e della cooperazione DSC
Direcziun da svilup e da cooperaziun DSC